

熱河日記

熱河日記抄

我東人士初逢自燕還者必問曰君行第一壯觀何物也
第為拈出其第一壯觀而道之也則各以其所見率口而
對曰遼東千里大野壯觀曰舊遼東白塔壯觀曰沿海市
鋪壯觀曰薊門烟樹壯觀曰盧溝橋壯觀曰山海關壯觀
曰角山寺壯觀曰金海亭壯觀曰祖家牌樓壯觀曰琉璃
廠壯觀曰通州舟楫壯觀曰錦州衛牧畜壯觀曰西山樓
臺壯觀曰四天柱堂壯觀曰席圈壯觀曰象房壯觀曰南
海子壯觀曰東岳廟壯觀曰北鎮廟壯觀紛紛然指不勝
屈上士則愀然變色易容而言曰都無可觀何謂都無可

觀曰皇帝也。雍髮將相大臣百執事也。雍髮士庶人也。雍髮雖功德侔殷周富強邁秦漢自生民以來未有雍髮之天子也。雍有陸隴其李光地之學問魏禧汪琬王士徵之文章顧炎武朱彝尊之博識一雍髮則胡虜也。胡虜則犬羊也。吾於犬羊也何觀。有以此乃第一等義理也。談者默然。四座肅穆。中士則曰。城郭長城之餘也。宮室阿房之遺也。士庶則魏晉之浮華也。風俗則大業天寶之侈靡也。神州陸沈則山川變作腥羶之鄉。聖緒湮晦則言語化為侏儒之俗。何足觀也。誠得十萬之眾長驅入關掃清函夏然後壯觀可論。此善讀春秋者也。一部春秋乃尊華攘夷之書。

我東服事 皇明二百餘年忠誠劉摯雖稱屬國無異內
服萬曆壬辰倭奴之亂 神宗皇帝提天下之兵以救之
東民之踵頂毛髮莫非再造也崇禎丙子清兵之來也
烈烈皇帝聞我東被兵急命總兵陳洪範調各鎮舟師以
赴援洪範奏官兵出海而山東巡撫顏繼祖奏屬國失守
江華已破帝以繼祖不能協圖匡救下詔切責之當是時
天子內不能救福楚襄唐之急而外切屬國之憂其救焚
拯溺之意有加於骨肉之邦也及四海值天崩地坼之運
難天下之髮而盡胡之一隅汝東雖免斯恥其為中國復
讎刷恥之心豈可一日而忘之哉我東士大夫之為春秋

尊攘之論者磊落相望百年如一日可謂盛矣然而尊周
自尊周也夷狄自夷狄也中華之城郭宮室人民固自在
也正德利用學生之具固自如也崔靈王謝之氏族固不
廢也周張程朱之學問固未泯也三代以降聖帝明王漢
唐宋明之良法美制固不變也彼胡虜者誠知中國之可
利而足以久享則至於尊而攘之若固有之爲天下者爲利
於民而享於國雖其法之或出於夷狄固將取而則之而
況三代以降聖帝明王漢唐宋明固有之故常哉聖人作
春秋因爲尊華而攘夷然未聞憤夷狄之猾夏並典中華
可尊之實而攘之也故今之人誠欲攘夷也莫如盡學中

華之遺法先寢我俗之椎魯自耕蠶陶冶以至通工惠商
莫不學焉人十已百先利吾民使吾民剗挺而足以撻彼
之堅甲利兵然後謂中國無可觀可也余下士也曰壯觀
在瓦礫曰壯觀在糞壤夫斷瓦天下之所棄物也然而民
舍繚垣肩以上更以斷瓦兩兩相配為波濤之紋四合而
成連環之形四背而成古魯錢嵌空玲瓏外內交映不棄
斷瓦而天下之文章斯在矣民家門庭貧不能鋪甃則聚
諸色琉璃碎瓦及水邊小礫之磨圓者錯成花樹鳥獸之
形以潔泥淖不棄碎礫而天下之畫圖斯在矣糞溷至穢
之物也為其糞田也則惜之如金道無遺灰拾馬矢去尾

隨積屠方正或八角或六楞或層樓臺之形觀乎冀壤
而天下之制度斯立矣故曰凡礫冀壤都是壯觀不必城
池宮室樓臺市舖寺觀牧畜原野之曠漠烟樹之奇幻然
後為壯觀也

叢石觀日出

行旅夜半相叫應遠鷄其鳴鳴未應遠雞先鳴是何處只
在意中微如蠅邨裡一犬吠仍靜靜極寒生心兢兢是皆
有聲若耳鳴終欲審聽簷鷄仍此去叢石只十里正臨滄
溟觀日昇天水鴻洞元北朕洪濤打崖霹靂與常時異風
倒海來連根拔山萬石崩先怪鯨鯢門出陸不虞海運位

搏鵬但愁此夜久未曙從今混沌誰復徵無乃玄冥刻用
武凡豈早閉虞淵冰恐是乳紉旋斡久遂傾西北隳環絙
三足之鳥太迅飛誰咒一足繫之繩海若衣帶玄滴滴水
妃髻鬟寒淩淩巨魚放蕩行如馬紅鬚翠鬣何翮鬚天造
舛昧誰忝者大叫發狂欲點燈揔槍擁彗火乘角禿樹啼
鷗尤可憎斯湏水面若小瘡誤觸就小毒可癢其色漸大
通石里波上遽暈如雉膺天地茫茫始有界以朱畫一為
二層梅認新醒火染局千純謬色穀與綾作炭誰伐珊瑚
樹絀以扶桑益熾蒸炎帝呵噓口應喝祝融揮扇疲右肱
鰕鬚竅長最易熱蛭房逾因逾自臆寸雪片霧盡東轅呈

祥猷瑞各效能紫宸未朝方委表陳展設黼仍虛凭纖月
猶賓太白前頗能爭長辭與滕志氣漸淡方五色遠處波
顯先自澄海上百恠皆遁藏獨留羲和將駮乘圓來六萬
四千年今朝改規或四楞方丈海濺誰汲引始信天有階
可陞鄧林秋實丹一顆東公綵毬蹴半登詹父殿來喘不
定六龍前導頗誇矜天際黯慘忽顛蹙努力推轂氣欲增
團如輪長如甕出沒若閃爍砒砒石物咸覩如昨日有
誰復擎一躍騰

帛叱

虎審聖文武慈孝仁智雄勇壯猛天下無敵然縛胃衣帛

竹牛食席駁食席五色獅子食席於巨木之宙茲白食席
鼯天貳食席豹黃要取席豹心而食之猶無骨為席豹所
吞內食虎豹之肝首耳遇虎則裂而啖之席遇猛獮則閉
目而不敢視人不畏猛獮而畏席虎之威其嚴乎席食狗
則醉食人則神席一食人其張為屈閣在席之腋遵虎入
厨甜其鼎耳主人思饑命妻夜炊虎再食人其張為爨兀
在席之捕井高視虛若谷穿弩先行釋機席三食人其張
為鬻渾在席之顧多贊其所識朋友之名席詔張曰日之
將夕于何取食屈閣曰我昔占之匝角匝羽黔首之物雪
中有跡于于踈武瞻尾在腦莫掩其尻爨兀曰東門有食

其名曰醫口含百中肌肉馨香西門有食其名曰巫求媚
百神日沐齋潔清為擇由於此二者席舂髀作色曰醫者
疑也以其所證而試諸人歲所教常數石生者証也証神
以感民歲所教常數萬眾怒入骨化為金蠶毒不可食醫
渾曰有肉在林仁肝義胆抱忠懷潔戴樂履禮口誦百家
之言心通石物之理名曰碩德之儒背益體胖五味俱存
虎軒眉毛涎仰天而笑曰朕聞如何張爻薦虎曰一陰一
易之謂道儒貫之五行相生二氣相宣儒導之食之美者
無大於此虎愀然交色易容而不悅曰舍易者一氣之消
息也而兩之其肉穢也五行定位未始相生乃今強為子

母分配醎酸其味未純也六氣自行不待宣導乃今妄稱
財相私顯已功其為食也無其硬強滯逆而不順化乎鄭
之邑有不屑官之士曰北郭先生行年四十手自校書者
萬卷數行九經之義更著書一萬五千卷天子嘉其義諸
侯命其名邑之東有美而早寡者曰東里子天子嘉其節
諸侯慕其賢環其邑數里而封之曰東里寡嫠之閭東里
子善守寡然有子五人各有其姓五子相謂曰水北雞鳴
水南明星室中有敬何其甚似北郭先生也兄弟五人迭
窺戶隙東里子請於北郭先生曰久慕先生之德今夜願
聞先生讀書之教北郭先生整襟危坐而為詩曰鴛鴦在

屏耿烱流螢維絜維錡云誰之型興也五子相謂曰禮不
入寡婦之門北郭先生賢者也吾聞鄭之城門壞而有狐
穴焉吾聞狐老千年能幻而像人是其像北郭先生乎相
與謀曰吾聞得狐之冠者家被千金之富得狐之履者能
匿影於白日得狐之尾者善媚而人悅之何不殺是狐而
分之於是五子共圍而擊之北郭先生大驚遁迹恐人之
識已也以股加頸鬼舞鬼笑出門而跑乃踣野窖穢滿其
中攀援出首而望有虎當徑虎顰蹙嘔吐掩鼻左首而噫
曰儒臭矣北郭先生頓首匍匐而前三拜以跪仰首而
言曰席之德其全矣乎大人效其愛帝王學其步人子法

其孝將帥取其威名並神龍一風一雲下土賤臣敢在下
風虎叱曰毋近前曩也吾聞之儒者諛也果然汝平居天
下之惡名妄加諉我今也急而面諛將誰信之耶天下之
理一也席性惡也人性亦惡也人性善則席之性亦善也
汝千言萬語不離五常戒之勸之恒在四經然都邑之間
先鼻先趾文面而行者皆不遊五品之人也然而微墨斧
鉅日不暇給莫能止其惡焉而席之家自無是刑由是觀
之席之性不亦戾於人乎席不食牀木不食生魚不嗜翅
蘗悖亂之物不忍字伏細瑣之物入山獐獬鹿在野豕馬
牛未嘗爲口腹之累飲食之訟席之道豈不光明正大矣

乎席之食猶若而汝不疾席之食馬牛而人爲之讐焉豈
此猶鹿之無恩於人而馬牛之有切於汝乎然而不有其
棄服之勞急效之誠日充庖厨角鬣不遺而乃復侵我之
麋鹿使我乏食於山缺餉於野使天而牛其政汝在所食
乎所捨乎夫非其有而取之謂之盜殘生而害物者謂之
賤汝之所以日夜遑遑攘臂努目挐攫而不恥甚者呼錢
為兄求將殺妻則不可以論於倫常之道矣乃復攘食於
蝗奪衣於蠶潔俸而剝甘甚者鹽蟻之子以羞其祖考其
殘忍薄行孰云於汝乎汝談理論性動輒稱天自天所食
而觀之則席與人乃物之一也自天地生物之仁而論之

則席與蝗蟻蜂蟻與人並育而不可相悖也。自其善惡而
辨之，則公行剽劫於蜂蟻之室者，獨不為天地之巨盜乎？
肆然攘竊於蝗蟻之資者，狝不為仁義之大賊乎？
虎食豹者，誠為不忍於其類也。然而計虎之食，獮廬不若人
之食，廬廬之多也。計席之食，馬牛不若人之食，馬牛之多
也。計席之食，人不若人之相食之多也。去年閩中大旱，
之相食者，數百。往歲山東大水，民之相食者，數萬。雖然，其
相食之多，又何如春秋之世也？春秋之世，樹墻之者十出
報仇之兵三十，流血千里，伏屍百萬，而席之家水旱不識
故無怨乎天，讎德而忘故無忤於物，知命而處非故不惑。

于巫醫之姦踐形而盡性故不疾乎世俗之利此席之所
以睿聖也窺其一班之以不文於天下也不藉尺寸之兵
而獨任瓜牙之利所以耀武於天下也彘齒雖尊所以廣
孝於天下也一日一舉而烏鳶鵲鵲豈甘分其餒仁不可勝
用也讒人不食廢疾者不食衰服者不食義不可勝用也
不仁哉汝之為食也機穽之不足以爲罟也罟也罟也罟
也罟也罟也如結網罟者哀然首禍於天下矣有鉞者戮
者受者并者并者稍者鍛者鉅者并者有礮者并者殺者并者
藏火洩陰陽暴於震霆是猶不足以逞其虐焉則乃吮柔
毫令膠唇鋒體如束心長不盈寸許以烏賊之沫縱橫

擊刺曲者如矛鋸者如刀銳者如鈞波者如戟直者如矢
穀者如弓此兵一動百鬼夜哭其相食之酷孰甚於汝乎
北郭先生離席俯伏逡巡再拜頓首頓首曰傳有之雖有
惡人齋戒沐浴則可以事上帝下土賤臣敢在下風屏息
潛聽久無所命誠惶誠恐拜手稽首仰以視之東方明矣
虎則已去矣農夫有朝菑者問先生何早敬於楚北郭先
生曰吾聞之謂天蓋高不敢不局謂地蓋厚不敢不躋
燕宕氏曰篇雖無作者姓名而蓋近世華人悲憤之作也
其運入於長夜而軍狄之禍甚於猛獸士之無恥者綴拾
章句以狐媚當世豈非菰塚之儒而豺豕之所不食者乎

今讀古文言多悖理典眩篋盜踞同肯然天下有志之士
豈可一日而忘中國哉今請之御宇後四世而莫不文武
壽考昇平百年四海寧謐此漢唐之所無也觀其全安扶
植之意殆亦上天所置之命吏也昔人常疑於諄諫之天
而有質於聖人者聖人丁寧體天之意曰天不言以行典
事示之小子常讀之至此其戒滋甚敢問以行典事示之
則用夷夏及天下之大等也百姓之冤酷如何馨香腥羶
各類具德百神之所饗何臭故自人所處而視之則華夏
夷狄誠有分焉自天所命而視之則殷周冕各逆時制
何必獨疑於清人之紅帽哉於是天定人衆之說行於其

間而人天相與之理及反退聽於氣驗之前而聖之言而
不符則輒曰天地之氣數如此嗚呼是豈真氣數然耶噫
明之王澤已竭矣中州之士自循其髮於百年之久而寤
寐標擗輒思明室者何也所以不忍忘中國也請之自為
謀亦踈矣懲前代胡主之末效萃而裹者勒鐵碑埋之箭
亭其言未嘗不自耻其衣帽而猶復眷眷於強弱之勢何
其愚也文謨武烈尚不能救末主之陵夷况區區自強於
衣帽之末哉衣帽誠便於用武則北狄西戎獨非用武之
衣帽耶力能使西北之他胡反襲中州之舊俗然後始能
獨強於天下也囿天下於僂辱之地而予之曰姑忍沙羞

耻而後我為強尚未知其強也未必新市綠林之間志其
眉黃其中以自異也假令愚民一脫其帽而抵之地清皇
帝已坐失其天下矣夫向之所以自恃而為強者乃及救
亡之不暇也其埋碑垂訓於後豈非過歟篇本無題今就
篇中有席叱二字為目以俟中州之清寫

赴熱河

出東直門來源延至黯然辭別而去張福馬頭執鐙悲咽
不忍捨身諭令辭還則又執為大手兩相悲泣淚如雨下
万里伴一行一笛情所因然因於馬上念人間最苦之
事莫若於別雖別雖之苦莫若於生別離彼訣別於一生

一死之際者無足言苦千古慈父孝子信男宜婦義君忠
臣血朋心友奉訓於易簣之時受命於憑几之勝握手揮
涕遺托丁寧此天下父子男婦主臣朋友所同有也此天
下慈孝宜信義忠血心所同出也此既人人之所同有所
同出則此事也天下之順理也以行其順理則不過曰三
年無改九原可作臣言乎生者之苦則性可滅明可喪孟
可鼓弦可斷炭可吞城可崩至於鞠躬盡瘁死而後已而
無閑死者則死者先苦也千古之言君臣之際者必曰荷
堅之於王景略太宗之於魏文貞而亦未聞為景略老明
為文貞斷弦然而墓草未宿投鞭仆碑有愧九原則有寄

乎生者無苦也天下之人寬譬於死生之際者不過曰理
遺理遺者順其理之謂也順其理則天下無苦矣故曰訣別
於一生一死之際者無足言苦矣苦於一紅一留之時其
別難之時地得其苦甘地也非亭非廟非山非野遇水為
地其水也不獨大而江海小而溝澮也者皆水也故千古
別難者何限而歸去來詞梁者何也非蘇李獨為天下有情
人也特河梁別得其地也別得其地故為情最苦彼河梁
我知之矣不淺不深不極不急之波抱石而嗚咽不風不
雨不陰不陽之聲轉地而曠野河上有橋可久而將崩河
畔有樹可老而欲禿河外有河可生可死河中者幾少況

可浮于斯有人非四非三无語無言此天下之至苦也故別
賦曰黯然銷魂唯別而已何其為言之無情也天下之為別
也孰不黯然孰不銷魂此別之至苦也無苦為苦無別事
而有別心者千古唯市南儵人耳曰送君者自崖送君
自此遠矣此千古斷腸語也何則此臨水為別故別得其
地耳劉禹錫臨湘水別柳宗元後五年禹錫從古道出桂
嶺復至前別處而為詩吊柳曰我馬映林嘶若帆轉山臧
千古遷客何限而此語為苦者惟水為情故耳我東壤地
狹小先生雖遠別不甚知苦獨有水路朝天時最得苦
情悽愴欲絕置酒於筵上選量收一唯於小校衣紅衣

朱笠貝纓插帟鬚白羽箭左執弓弭右握鞭勒前作軍禮
唱初吹則庭中動鼓角如左右群牧皆羅裳繡裙各唱漁
父辭不隨而作又唱二吹三吹如初禮又有童牧扮小牧
立船上唱菱歌砲因收斂掌帆般妓高歌且祝其歌曰斂
掌兮如稚此時去兮何時來萬頃滄波去似迴吾東第一
墮淚時也今張福親非父子義非主臣情非男婦交非朋
友而共生離之苦如此則亦非狔江海河梁為之地也異
國異鄉無非別地嗚呼痛哉 昭顯世子之在瀋陽邸第
也當嘗臣僚去留之際使伶徒來之時何以為懷主身
臣死猶屬從容何留何去何忍何捨此吾東第一痛哭時

也嗚呼痛哉蟻虱微臣試一念之於百年之後猶今魂冷
如烟骨酸如掣而況當時 禹筵拜辭之際乎而況當省
畏約無窮嫌疑既深忍淚吞聲貌藏悵沮者乎而況當省
從留諸臣之遙望行者遼野茫茫潘樹杳杳人行如豈馬
走如芥眼力既窮地端水倪接天無限日暮掩館何君為
心于斯別也亦何必水為之地亭可也閣可也山可也野
可也亦何必嗚咽之河波曠霾之日光為吾之苦情乎亦
何必將崩之危橋朽之老樹為吾之別地乎雖画棟綠
闥青春月白盡為吾別離之地盡為吾痛哭之時于斯時
也雖有石人回頭鐵腸盡銷此吾東第一情死時也如此

以思不覺行二十餘里蓋門外頗蕭條山川無甚開眼也

古北口

皇明洪武二十二年命燕王出師古北口襲乃顏不花于迤都永樂八年塞古北口小關口及大關外門僅容一人一馬今關久重門而無所塞也大約北關千古戰伐之場天下一擡則白骨如山真所謂席北口今今昇平百餘年四境无金革戰鬪之聲宋麻坡然雞口四達休養生息乃能如是漢唐以來所未嘗有也未知何德而致之當極而圯物理而然民不見兵矣土崩瓦解吁可慮哉

關在山上雖千嶂周遭而大漠猶可望也按全史貞祐二
年潮河溢漂古北口鐵裹門關蓋胡虜之憑凌中州者以
其地援上流勢如建瓴故也中原大患二即河也胡也伯
鯨才力人智足以知胡虜之憑凌則疏出冀而鑿恒代引
九州之水而灌之沙漠使中國反援上流而制胡虜當時
四岳不可其議而歛試之所謂試可乃已者是也表雖不
以倒流為是而鯨之辨說甚強莫難也禹亦不以逆行為
當而鯨之才智甚高莫敢諫也所謂方命圮族者是也蓋
鯨之為人悻直自用必信已見惟以胡虜之患為中國石
也慮而乃將懷襄之憂為目下第一義不度地形不恤工費

必也倒鑿而逆流之所謂水逆行謂之沕水沕水者洪水也然而鑿之塹之疏之溜之地勢漸高不謂湮而自湮所謂鯀湮洪水者是也自非然者鯀獨何心湮此巨浸自底罪戾而當告岳牧亦何必交口力薦表不何易九載坐視以待其敗績哉噫若鯀此功能成中國防胡防河一舉兩得萬世永賴乎鴻功偉業當在天上余初時有一長老辨鯀湮水證說如此今視其地取大不然矣李白詩云黃河之水天上来蓋言其地形西高河若泛天也

審勢編

燕岩氏曰述中國者有五妄地閼相高本是國俗之陋習

有識之居國也且恥言兩班況以外藩之士姓反陵中州
之舊族乎此一妄也中州之紅帽蹄袖非獨漢人恥之滿
人不恥之然其礼俗文物四夷莫當願無寸長可與頡頏
中土而狎以一撮之髻自獎於天下此二妄也昔月汀尹
公根壽奉使皇明道逢御史汪道昆屏息路左瞻望
行塵猶以為榮今函夏雖變而為故其天子之號未改也
則閭閻大臣乃天子之公卿也未必加尊於昔而有貶於
今也奉使者自有見官之禮而恥言公庭拜揖輒圖寬免
遂成規例時有接遇亦以亢簡為敬恭澍為辱彼雖不覺
苛責安知不侮我之無禮乎此三妄也自知文字以來莫

不借讀于中州漢說歷代無非夢中占夢乃以切合之
餘習強作無致之詩文忽謂中土不見文章此四妄也中州
人士康熙以前皆皇明之遺黎也康熙以後即清室之臣
庶也因將盡節於本朝遵奉法制若遇談論輸情外藩是
因當世之亂臣賊子也然而一遇中州之士見其誇張休澤則輒謂
一部春秋無地可讀每歎燕趙之市未見悲歌之士此五
妄也中州之士有三難一為舉人則金史金經隨事辯證
百有九法易涉源委酬會如響不如是未足以為士也此其
一難也寬雅姻禮休休有容不施驕倨震懷接物而不失
大國之體以其二難也小大遠近莫不畏法畏法故慎官

慎官故制度如一而四民分業莫不自修此其三難也東人
五妄實由中土之自侮然其自侮之實亦非中土之罪而
其因有之三難又非東人之所可得以侮之也考陳廢之
自魏南還甚重北人朱异惟而問之廢之曰自晉宋以來
弼洛易為荒中此謂長江以北者至東狄昨公洛易始知
衣冠士族並在中原禮俗富貴人物殷阜耳目所接口不
能傳由是觀之望澤若渴古今同情余在熱河嘗守為
士大夫遊者多矣為常談討雖曰知其所不識而必必付
改之得失民情之向背先術而可傳傳曰觀其體而知其
改因其樂而知其德由百世之後等百世之多寡之能達

也既無子貢之藝季札之知則雖使笙鏞干羽曰陳於而
莫識政德之所出況泛論上古之律呂而忽能涉當世之
污隆哉然而不避其支離煩複之極而敢爲此迂闊誕漫
之詞者何也蓋中外之士性喜於誇學貴後冷出徑入史
揮塵風發然我人類多未閒辭令或並於質難進談當世
或自誇衣冠觀其愧服或直問里漢使人臆塞此等非
但彼所忌諱在系疎生知自不細故將要得共觀心必曲
贊大國之教教先安焉急勤不中於之一體務遠其嫌一
則壽意礼采自附典雅一則揚抗歷代毋逼近境區志
願學導之縱談易若未曉使贊其心則眉睫之間誠僞可見

談笑之際情實可探此余所以略得其影響於紙墨之外也嗚呼中外道術陵遲天下之學不出于一而朱陸之分蓋將數百年互相訾謗瘡如仇敵至皇明季世天下學者莫不宗朱而為陸者鮮矣及清人入主中國陰察學本宗主之所在與夫當皆趨向之众寡於是從众而力主之陸尊朱子於十哲之列而號於天下曰朱子之道即吾帝室之家學也遂天下洽然悅服者有之緣飾希世者有之所謂陸氏之學幾乎絕矣嗚呼彼豈真識朱子學而得其正邪抑以天子之尊陽浮慕之此心急徒審中國之大勢而先據之鉗天下之口而莫敢言我以夷狄也何以知其然也朱子

尊中國而攘夷狄則皇帝當著論而斥宋高宗不識春秋
之義討秦檜王和之罪朱子集註羣書則皇帝集天下之
士徵海內之書為圖書集成四庫全書歟天下而唱之曰
此崇易之緒言而考亭之遺旨也其所以勸導朱子者非
他也騎天下士大夫之項搖其咽而撫其背天下之士大
夫牽被其愚脅區區自泥於偽文節目之中而妄之徒費
也或曰清人既為中土之儀文而不妄滿州之舊俗何
也曰此足呂見其情也被將曰吾非利天下也吾為朋室
復大仇雪大恥而天下無久曠之理則吾為天下守中土
若中土有主則吾如北轡而東歸故不敢復祖宗之舊制

也或曰彼所以自因舊俗則當矣奈之何舉天下而強循其法也曰此足見其情也彼將曰帝王者同文軌一制度而已矣為清之臣子者當遵昔王之制不為清之臣子者不遵時王之制度亦東南開明必失天下而有事性喜輕浮而好議論則康熙六巡淮浙所以含沮豪傑之心而今皇帝踵而五巡矣天下之患常在北虜則迨其實服自康熙時筭宮於熱河宿留蒙古之重兵不煩中國而以胡備胡如此則兵費省而邊防壯今皇帝身自統潔而居守之矣西番強悍而甚畏黃教則皇帝循其俗而躬自崇奉迎其法師盛飾宮室以悅其心分封名王以析其勢此清人所以制四海

之術也獨於中土似若無所用心然其心以為天下之小民薄其賦歛則安矣安知不反使乎我之帽服而不欲廢我之制度乎但天下之士大夫願無可安之術則姑尊朱子之學大慰遊士之心其豪傑敢怒而不敢言其鄙倭因時義而為身利一以舍弱中土之士一以顯受文教之名非秦之坑殺而軋復於校讎之役非秦之燔燒而離裂於聚珍之局隆就以四庫全書板名之曰聚珍板嗚呼其愚天下之術可謂巧且深矣所謂贖書之禍甚於焚書者止指此也故中土之士徃徃駁朱不少顧憚如毛奇齡者或有謂之朱子之忠臣或有謂之有衛道之功或有謂之恩家作怨此等皆足以見其微意

也。噫！朱子之道如日中天，四方萬國咸所瞻睹。皇帝私尊朱子而中州之士如此，其恥之者蓋有所激於陽尊而為潔世之資耳。故時借一二集註之誤以洩百年煩寃之氣，則可徵今之駁朱者果異乎昔之為陸身然而吾東之人不識此意，乃接中州之士其草莽立談微淺，朱子則矍然駭耻，輒斥以象山之徒，悖語國人曰：「中原陸學大盛，邪說不熄，耻之者又不究本末，若見此等談論先怒於心，噫！斯文亂賊之討，雖莫遠施於中土，容默異端之過，因難見怨於士林。菴溪花下少飲，閑吟忘年錄及鵲亭筆談，因滋筆花露為此義例，使後之遊中國者如逢肆然駁朱者，知其

為非常之士而毋徒斥以異端善其辭以徵質有漸庶幾
因此而得覘夫天下之大義也哉

夜出古北口記

自燕京至熱河也道昌平則西北出居庸關道密雲則東北出古北口自古北口循長城東至山海關七百里西至居庸關二百八十里中居庸山海而為長城險要之地莫如古北口蒙古之出入常為其咽喉則設重關以衛其阨塞焉羅壁譏遺曰燕北百里有居庸關關東二百里外有虎北口即古北口也自唐始名古北口中原人語長城外皆稱口外口外皆當時奚王牙帳按金史國言秘

留韓嶺乃古北口也蓋環長城稱口者以百計緣山為城而
其絕壑深澗呿呀穴陷水所衝穿則不能城而設亭鄣
皇明洪武時立守潔千石所關五里余循霧靈山舟渡廣
礪河夜出古北口時夜已三更出重關立馬長城下測其高
可十餘丈出筆硯嘆酒磨墨撫城而題之曰乾隆甲午
年庚子八月七日夜三更朝鮮朴趾源過此乃大笑曰乃
吾書生角耶白一得此長城外耶苦蒙將軍自言吾起
臨洮屬之遼東城塹萬餘里此其中不能先絕地脈今
眎其塹山填谷信矣哉噫此古百戰之地也後唐莊宗之
取劉守先也別將劉光濤克古北口契丹太宗之取山南

也先下古北口女真滅遼希尹大破遼兵即此地也其取
燕京也蒲覓敗宗兵即此地也元文宗之立也唐其勢屯兵
於此撤敦追上都兵於此禿堅帖木兒之入也元太子出殺
此閑趨興松明嘉靖時俺答犯京師其出入皆由此閑其
城下乃飛騰戰伐之場而今四海不用兵矣猶見其四圍
合万壑含森時月上弦矣毛嶺欲墜其光淬削如刀裁研少
月月益下嶺猶露殘尖忽忽寥寥如石炬也山北斗半挿
關中而蟲散四起長風蕭然林谷俱鳴其數嶂鬼嶽劓
戟撫千而立河漢兩山間門限如鐵駟金鼓也天外有鶴
鳴五六散清曼如笛散長弱或曰此天鷲也

我東之士生老死病不離疆域近世先輩唯金稼齋吾
友洪湛軒踏中原一隅之地戰國時七國燕其一也禹
貢九州冀乃一也呂天下眎之可謂一隅之地而自元
皇明至今清為一統天子之都古之長安洛陽蘓子由
中國之士也猶自幸其至京師仰觀天子宮闕之壯與
倉廩府庫城池苑囿之富且大而後知天下之巨麗况
如我東之士一得巨麗之觀其所自幸當如何哉今余此
行尤有自幸者出長城至漠北先輩之所未嘗有也然
而深夜追程輶行夢過其山川之形勝關防之雄奇未得
以周覽時微月斜照關內兩崖百丈壁立路出其中余

自幼肯膽薄性怯或晝入空室夜遇昏燈未嘗不髮動
脈跳今年四十四其畏性如幼時也今中夜獨立於石里
長城之下月落河鳴風淒燐飛所遇諸境無非可驚
可愕可竒可詭而忽無畏心竒興勃勃公山外兵北平虎
石不動于中是尤所自幸者也所可恨者筆絨墨焦不
能大書如椽且未及題詩為長城古事也及東還之日
里中爭以壺酒相勞且問熱河行程為出此記聚首一
讀競拍案叫竒

一夜九渡河記

河出兩山間觸石鬥狠其驚濤駭浪憤闌怒波哀湍怒瀨

奔衝卷倒嘶哮涕喊常有摧破長城之勢戰車不乘戰騎
萬隊戰砲万架戰鼓萬坐未足諭其崩塌潰壓之聲沙上巨
石屹然離立河堤柳樹宵冥鴻濛如水祇河神爭出騎人
而左右蛟螭試其挐攫也或曰此古戰場故河鳴然也此
非為其然也河聲在鼙之如何尔余家山中門前有大溪
每夏月急雨一過溪水暴漲常聞車騎砲鼓之聲遂為耳
崇焉余嘗閉戶而卧比類而鼙之深松發籟此鼙雅也裂山崩
崖此鼙奮也羣蛙爭吹以鼙驕也万筑迭響以鼙忠也乾霆
急雷此鼙驚也茶沸文武此鼙趣也琴諧宮羽此鼙哀也
紙窗風鳴此鼙疑也皆鼙不得其正特奇中听意設而耳

為之聲焉。爾今吾夜中一河九渡。河出塞外。穿長城。會榆河。潮河。黃花鎮。川諸水。經密雲城下。為白河。余昨舟渡白河。乃此下流。余未入遼時。方盛夏。行烈陽中。而忽有大河。當前。志濤山立。不見涯涘。蓋千里外暴雨也。渡水之際。人皆仰首視天。余意諸人者。仰首默禱于天。久乃知度水者。眎水洄駛。涵蕩。身若逆溯。目若洪流。輒致眩轉。墮溺。其仰首者。非禱天也。乃避水。不見爾名。奚暇默祈。其須臾之命也哉。其危如此。而不引河。敵皆曰。遼野平廣。如。水。不怒。鳴。此。非。知。河。也。遼。河。未。嘗。不。鳴。特。未。夜。渡。尔。盡。能。視。水。故。目。轉。於。危。方。惴。惴。焉。及。爰。其。有。目。復。安。有。所。眩。乎。今。吾。夜。中。

渡河目不眎危則危專於聽而耳方惴惴焉不勝其憂吾
乃今知夫道矣冥心者耳目不為之累信耳目者眎聽彌
害而彌為之病焉今吾控夫足為馬所踐則載之後車遂
縱輶浮河摩膝聚足於鞍上一墜則河也以河為地以河為
衣以河為身以河為性情於心到一墜吾耳中遂無河聲
凡九渡無虞如坐卧起居於几席之上昔禹渡河至龍負
舟至危也然而死生之辨先明於心則龍螭輒不足大小
於前也報譽色外物也外物常為累於耳目人失其眎聽
之止如此而況人生涉世其險且危有甚於河而視聽輒輒
為之病乎吾且歸吾之山中復聽前溪而驗之且以警巧

於濟身而自信其聰明者

觀幻戲

是日鴻臚寺少卿趙光連聯椅觀幻余謂趙卿曰目不能辨是非察真偽則陸謂之無目可也然常為司者所眩則是目未嘗北盲而視之明及為之崇也趙卿曰雖有善司難眩瞽者目耳常字哉余曰弊邦有徐花潭先生出遇泣于道者曰爾奚泣對曰我三事而盲今四十年矣前日行則寄視於足執則寄眎於手聽聲音而辨誰某則寄眎於耳嗅臭香而察何物則寄視於鼻人有兩目而吾手足鼻耳無非目也亦奚特手足鼻耳日之早晏晝以倦視

物之形色夜以夢眎無所障礙未曾疑亂今行道中兩目
忽清瞿瞶自開天地寥廓山川紛峙萬物礙目群於塞腦
手足鼻耳顛倒錯謬皆失故常眇然忘家無以自還是以
泣有先生曰爾何求相相應自忘曰吾眼既明用相何地
先生曰還閉尔眼立地尔家由是論之目之不可恃其明
也如此今日觀吾非幻者眩眩之實觀者自眩爾趙卿曰
乾世言飛越太瘦王孫太肥凡言太者已甚之辭也既論
其肥瘦而輕加以已甚之辭則已心絕古之佳人彼帝
之目獨眩于肥瘦之間世之無光明眼真定見久矣太伯
之文身採桑可以孝也豫讓之漆身吞炭可以義者也

紀信之黃屋左曹幻以忠者也沛公其幻也臧張良其幻
也石田字以牛初平字趙高以鹿其霸以雀其寄
君以鷄名尤之幻詞以鐵額語蜀之幻木牛流馬王
菊之金縢請命幻之未改也曹操之幻雀分香幻之
破綻也祿山之赤心盧杞之藍面皆幻之批也自古
移人尤能幻幻如褒姒之於烽火驪姬之於逢德也然人
神道設教二者然者愚昧未明致惑於此等事之移倣
庭風之俗詔而亦未始於信於身之云龍流金之
赤鳥自古神聖愚凡莫不省一苗不可知之事或有嗜瘡
痂者或有好驢鳴者雖謂之幻可也雅謂之性亦可也幻

之為率也雖千變萬化無足畏者天下有可畏之幻大
姦之似忠也口息之類德也余曰胡廣之三公幻以中庸馮忌道
之五代幻以明哲而笑中之有刀酷於口裡之吞劍耶趙卿
大笑而起

北鎮廟記

北鎮廟在醫巫閭山下峭溪千峰如展屏障前臨大野古
環滄海廣穿城撫在膝下乃乃浮烟繚青一對層城迴白
測其地取平坡暫成數丈圓阜而俯仰天地無所畔崖日
月出沒風雲變化皆於其中東面而視尺吳寸齊在我指
端而但恨目力有窮耳庶貌雄深魁傑不若是無以鎮海

嶽北方玄冥帝君並其從神皆袞冕佩玉而立嚴威儼恪
格人非心香鼎高二尺餘雕刻神姦鬼恠青翠八骨前置
漆缸可容十石為四炷晝夜長燎舜封十有二山以醫巫閭為
幽州之鎮夏商周秦皆因之禮視嶽瀆雖未知廟朔何代
而唐開元時封醫巫閭山神為廣寧公遼金時始加王號
元大德中封貞德廣寧王 皇明洪武初止秋北鎮醫巫
閭山之神歲時降香祝有天子姓諱國有大典遣官告祭
今清寧基東北故崇奉之典尤有加焉或云雍正皇帝為
該五時有勅降香既祭之夕宿齋廬夢神人予帝一大珠
珠化為日故登大位遂大修廟宇以報神賜廟前有五門

牌樓純石架起棟椽瓦檐不資一木高四五丈結構之工
鏤刻之巧殆非人力所及樓左右石獅高二丈自廟門後
白石層階門左有寺庭有石碑一曰法華禪林一曰萬古
流芳寺坐五大金佛寺右有一門左鼓樓右鐘樓兩樓之
間又設三門前五三碑皆黃瓦閣二碑康熙帝撰并書
一碑雍正帝撰并書正殿碧琉璃瓦北壁題懽喜佳氣
雍正帝筆階上東西對設石爐高各丈餘東西設廊廡
數百間廡後有空殿制如前殿金碧璀璨而空無一物
後又有一殿制如前殿有二像毘旒王笏曰文昌星君
鳳冠珠帶曰玉妃娘娘左右兩童子侍立扁曰札始雷

區今皇帝筆自外門層階繚以白石之欄臺臆似玉刻以
備校園繞廊廡階城至于前殿連延曲折至于後殿望之
泚然一壘不動殿前後對列歷代穹碑簇立如葱畦所成
祭文皆為國祈祥之詞也宋延祐碑最久西角門有數
丈蒼壁曰補天石皇明巡撫張學顏筆又離一間刻翠
屏石出東門數百步有大石穹窿如龜曝刻曰呂公石又曰
會仙亭登其上醫巫問扶輿磅礴之勢一舉目而盡得之
勿有一間小亭倚在巖下土階二等茅茨略前乃蕭灑幽
爽怡然心樂相與小坐下君曰譬如監司巡省郡邑朝夕
供張無非山珍海錯腸薰胃腑厭飲嘔逆偶值一咒野

疏欣然接味余笑曰此真醫者之言也趙君曰每於紅粉隊
中莫辨嫫威村畦野靡勿逢荆釵布裙不覺心目開霽
余曰此好色者之言也設如君等言今此土階茅茨導
天子兩種眼胃亦還坐廊廡下守廟有道士三人以三
柄扇三卷紙三丸清心元為幣道士皆喜庭前桃子方
熟道士為摘一盤以餽眾隸爭趨林下披枝亂摘余呵
止莫能禁道士曰何必費氣飽則自止又謂眾隸曰任
君摘取莫傷枝留待明年再到時道士姓名李鵬弼
逍遙館又稱餐霞道人南庭有半枯古松皇帝甲戌
東巡時有詩畫并刻置巖間

姜女廟記

姜女姓許氏名孟姜陝西同官人也嫁范七郎秦將軍
蒙恬等長城范郎隸役死於上螺山下夢感其妻孟姜
手製衣獨行千里探其存沒慙憫于此陞長城而泣化
為石或曰孟姜聞其夫死獨行收骨負而入海數日有
石出于海中潮至不沒庭中有三碑所記各異而語多荒
誕廟為塑像左右列童男童女皇帝丑行宮去歲辛
酉陽時所歷行宮皆重修故金碧所在炫耀廟有文文
山手題柱聯陞夫石刻皇帝舊題詩石傍有振衣亭
唐王建望夫石詩非咏此石而地志陞夫石一在武昌一

在太平亦未知王建所咏端在何地也且秦時未嘗稱
陝姜者齊女之稱則謂許氏陝西同官人尤為非是自行
宮階上至姜女廟繚以石欄芳流遼海今皇帝筆也

將臺記

不見萬里長城不識中國之大不見山海關不識中國之制
度不見閩外將臺不識將帥之威尊矣未及山海關一里東
向有一座方城高十餘丈周數百步一面皆七堞堞下為
圭竇可藏數十人圭竇共二十四城之下體又穿曰圭竇以
藏兵器下為隧遁以通長城之內譯輩皆稱汗所築非也
或稱吳王臺吳三桂守閩時從地道不時登此臺出號

砲則關內數萬兵一時吶喊聲動天地關外諸墩戍兵皆
響應數時間弭今遍千里矣其一曰諸人憑堞徧目長城北
走滄溟南望東臨大野西瞰閑裡周覽之雄無如此臺閑
裡數萬戶街市樓台歷歷如視掌紋无所隱蔽海上一峰
尖秀挿霄者昌黎縣文筆峰也眺望良久歛下而無敢先
下者輒級發業俯眎莫不戰掉下隸扶擁先回旋之地
勢甚狼狽余從軍級下至於地仰眎臺上諸人皆兢兢莫
知所為蓋上臺時拾級而登故不知其危欲還下則一舉手
目而眩不測所以生眩其害在目也仕宦者亦若是也亦
其推遷也一階半級恐後於人或擠排爭先及被身崇高

攝心孤危進无一步退有千仞望絕攀援欲下不能千古
皆然

山海關記

山海關古榆關王應麟地理通釋云虞之下陽趙之上黨
魏之安邑燕之榆關吳之西陵蜀之漢樂地有所必據城
有所必守 皇明洪武十七年大將軍徐達移榆關於此築
五重城名之曰山海關太行山北走為醫巫閭山舜封十二
山呂醫巫閭為出為之鎮東北為戎夏之界至關而大斷為
平地前臨遼野右挾滄海禹貢所稱挾右碣石是也長城
從醫巫閭山委蛇而下至角山寺峰密皆有墩臺入平地

而置関縁長城行十五里南入于海浴鐵為址而城焉上
置三簷大樓曰望海亭皆徐中山所築也初関為甕城而
无樓甕城穿南北東為門鐵関扉虹楣刻威鎮華表第二
関為四層敵樓虹楣刻山海関第三関為三簷樓立扁曰天
下第一関三使皆去蓋文武成班如入瀋陽時稅官及守備
坐関内翼廊默閱人馬臨準鳳城清軍大凡中國商旅小
皆傳錄姓名居住物貨名數詰姦防偽極為嚴肅守備
皆滿人打紅傘蕉扇前列軍卒百餘佩劍十字街為城四
面為虹門上有三簷樓扁曰祥霽搏桑正雍帝筆也師
府門外坐石獅二高各數丈閭令市井勝於盛京車馬

寂威士女尤為都冶其繁華富麗治道莫比蓋此為天下
雄關而關以西漸近皇都故也自鳳城千餘里之間曰堡
曰屯曰所曰驛日徑數城而今驗之長城其設施建置莫
不效法於此閑然皆兒孫耳嗚呼蒙恬築長城以防胡而
亡秦之胡養於蒲牆之內中山設此閑以脩胡而吳三桂開
迎入之不暇也當天下無事之日徒為商旅之誡征則為
閑不奚足云

襍錄

皇明天啟中倭攻琉球虜其王琉球太子載其國中世寶將
以贖父舟漂至滑州牧使某問舟中何物太子以酒泉石漫

山帳對酒泉石形如瑪瑙中牧容一盞以清水貯之即交為美酒
湯山帳以海蛛絲染藥結造小張則可覆一屋大張則可覆一
山小而蚊蚋大而蛇虺莫能入牧使請之不許則遂散卒圍
船太子石帳投之海中牧使盡籍船中所載遂殺太子太子臨
死咏詩曰克語難分榮辱身臨刑何暇訴蒼昊三良臨穴誰能
贖二子棄舟賊不仁骨蒸沙場纏有草魂歸故國吊无親竹西
樓下涵仁水遺恨分明咽萬春此載李重煥擇地志牧使遭臺
叅臧死長流云余常疑此近 此果真也牧使之罪雖肆市
難贖其子孫如何長享富貴琉球中山王尚寧屢以書幣通
付年至使甲申以後不復通問惜今行未遇海外諸使以昨所

見幻戲酒泉石觀之則琉球酒石亦似幻術以閩人王三資
所言海蛛網虎為真則漫山帳理或元怪

許生居墨積洞直抵南山下井上有古杏樹柴扉向樹而
開牀屋數間不蔽風雨然許生好讀書妻為人縫刺以糊
口一日妻甚饑泣曰子平生不赴舉讀書何為許生笑曰
吾讀書未熟妻曰不有工乎生曰工未素學奈何妻曰不
有商乎生曰商有本錢奈何其妻曰恚且罵曰晝夜讀書
只學奈何不工不商何不盜賊許生掩卷起曰惜乎各讀
書本期十年今七年矣出門而去無相識者直之雲從街
問市人曰漢陽中誰最富有道不民者遂訪其家許生長

揖曰吾家貧欲有小試願從君借石金卞氏曰諾立與萬金客竟不謝而去子弟賓客眎許生丐者也縑絛穗稊筆屨跟顛笠挫袍煤鼻流清涕客既去皆大驚曰大人知客乎曰不知也今一朝浪空擲黃金於生平所不知何人而不問其姓名何也卞氏曰此非南所知凡有求於人者必廣張志意先耀信義然顏色媿屈言辭重複彼客衣屨雖弊辭簡而眎傲客无怍色不待物而自足者也彼其所試術不小吾亦有所試於客不豐則已既告之石金問姓名何為於是許生既得萬金不復還家以為安城畿湖之交三南之館口遂止居焉棗栖柰柑榴橘柚之屬皆以倍直居之許

生權果而國中無以譙祀居頃之諸賈之獲倍直於許生者及輸十倍許生喟然歎曰以萬金頃之知國淺深矣且刀鑄布帛綿入濟州悉收馬鬣鬣曰居數年國人不裸頭矣居頃之綱巾似至十倍許生問老篙師海外豈有空嶋可以居者乎篙師曰有之常漂風直西行三日夜泊一空嶋許在沙門長崎之間花木自開菓蓀自契廩廩成群游魚不驚許生大喜曰爾能導我富貴共之篙師從之遂御風東南入其島許生登高而望悵然曰地不滿千里惡能有為土肥泉甘只可作富家翁篙師曰島空無人尚誰与居許生曰悵者詎歸也者恐不德何患无人是皆邊山群盜數

千州郡散卒逐捕不能得賊群盜亦不敢出剽掠方饑困許
生入賊中說魁帥曰千人掠千金所分幾何曰人一兩斤許
生曰亦有妻乎羣盜曰無曰爾有田羣盜笑曰有田有妻何
苦爲盜許生曰審如是也何不娶妻樹屋買牛耕田生無盜賊
之名而居有妻室之樂行无逐捕之患而長享衣食之饒乎
羣盜曰豈不願如此但無錢耳許生笑曰爾爲盜何患幾
錢吾能爲汝辦之明日眎海上風旗紅者皆錢船也恣汝
取去許生約羣盜既去羣盜皆笑其狂及明日至海上許
生載錢三十萬皆大驚羅拜曰唯將軍令許生曰惟力負
去於是羣盜爭負錢人不百金許生曰爾等力不足以舉

百金何能為盜今角等雖欲為平民名在賊簿無可注
矣吾在此俟汝各持百金而公人一婦一牛來羣盜曰諾
皆散去許生自具二千人一歲食以待之及羣盜至无後者
遂俱載入其空島許生權盜而國中无警矣於是伐樹為
屋編升為籬地氣既全百種碩茂不畱不畱一莖九穗
畱三年之儲餘悉舟載注糴長崎島長崎者日本屬
州力三十一萬方大饑遂縣之獲百石許生嘆曰今吾
已小試矣於是悉召男女二千人令之曰吾始與汝等入
此島先富之然後別造文字羽製衣冠地小德薄吾今
去矣先生執匙教以左手一日之長讓之先食悉焚他船

曰莫往則莫來投銀五十萬於海中曰海枯有得者百不無
所容於國中况小島乎有知書者或寫傳出曰爲絕禍於
此島於是通行國中賑施與貧无告者銀尚餘十萬曰此
可呂報卞氏往見卞氏曰君記我乎卞氏驚曰子之容色
不必瘳得无敗萬金乎許生笑曰財粹而君軍事用萬
金何肥於道哉於是銀十萬付卞氏曰君不耐一朝之
饑未竟讀書慙君萬金卞氏大驚起拜辭謝願受什一
之利許生大怒曰何以賈豎眎我拂衣而去卞氏潛踵之
望見客向南山下八小屋有老妪井上澣卞氏問曰彼小
屋誰家妪曰許生有宅多之好讀書不務世門不返者已

五年獨有妻在祭其去日卞氏始知客乃姓許嘆息而歸
明日悉持其銀泔遺之許生辭曰我欲富也棄百乃取十
萬乎吾從今得君而活矣孰肯以財勞神卞氏說許生百
端竟不可奈何卞氏自是憂許生匱乏輒身自往遺之許
生欣然受之或有加則不悅曰君奈何遺我災也以酒泔
則益大喜相與酌至醉既數歲情將日篤嘗泛客言五歲
中何以致百萬許生曰此易知耳朝鮮舟不通外國車不
行城中故百物生于其中消于其中矣千金小財也未足
以盡物然折而十之百金十亦足以致十物物輕則易轉
故一貨雖絀九貨伸之此常利之道小人之實也夫萬金

足以盡物故在車專車在舡專舡在邑專邑如網之有罟
括物而數之陸之產不潛停其一水之族萬潛停其一
之材萬潛停其一貨潛藏百寶皆涸此賊民之道也後
世有司者如有用我道必病其國卞氏曰子何以知吾出
不金而來吾求也許生曰不必君與我也能有不金者莫
不與也吾自度吾才足以被百石然命則在天吾何能知之
故能用我者有福者也必富蓋富天所命也安得不與既
得不金馮其福而行故動輒有成若君私自與則成敗
未可知也卞氏曰方今士大夫欲雪南漢之耻此志士
槩腕奮智之秋也以子之才何自若沉冥以沒世耶許生

曰古來沉冥者何限趙聖期世修可使敵國而老死布

裾柳馨遠補漢足繼軍食而逍遙海曲今之謀國政者可

知己吾善賞者也其銀以市九王之印然授之海中而來

者無所可用故耳卞氏喟然太息而告卞氏本善李政非

浣善李公時為御營大將軍與之委巷問閭之中亦有奇

才可與共大事者乎卞氏為之許生李公大驚曰奇哉真

乃是否其名云何卞氏曰小人与居三年竟不識其名李

公曰此異人与君俱往夜公屏驕徒狎與卞氏俱步至

許生卞氏以公立門外獨先入見許生具道李公所以來

者許生多不同片曰趣解衣臥俱盡相與歡飲卞氏問其

露立數言之許生不應既夜深許生曰可召客李公入許
生安坐不起李公先所持形乃叙述國家所以求賢之
意許生揮手曰夜短語長聽之太遲汝今何官曰大將許
生曰然則汝乃國之信臣我當薦卧龍先生汝能請于
朝三顧乎廬乎公低頭良久曰難矣願得其次許生曰
我未學第二不固問之許生曰明將士以躬躬者舊恩
其子孫多脫方東來流離惻然汝能請于朝出宗室女
遍嫁之奪熱戚權貴家以愛之乎公低頭良久曰難矣許
生曰此亦難彼亦難何事可能者最易者汝能乎李
公曰願聞之許生曰夫欲成大義於天下而不先交徒天

下之豪傑者未之有也欲伐人之國而不先用謀未
能成者也今滿州遜而主天下自以不親於中國而朝
鮮亦先他國而服彼所信也誠能請遣子弟入學遊
官如唐元故事商賈出入不禁彼必喜其見親而許
之妙選國中之子弟中難娶胡服其君子往赴賓宴
其小人遠商江南覬其虛實結其豪傑天下可圖而
國恥可雪若求朱氏而不得率天下諸侯篤人於天進
可為大國師退不失伯舅之國矣李公憮然曰士大夫
皆謹守禮法誰肯難娶胡服乎許生大叱曰曰所謂士
大夫星何等也產於獯貊之地自稱曰士大夫豈心駭

乎衣袴純素是有喪之服會撮如椎是南蠻之椎結也何
謂禮法樊於期欲報私怨而不惜其頭武靈王欲強其國而
不恥胡服乃今欲為大明復讎而猶惜其一髮乃今將馳馬
挈劍刺鎗彈弓飛石而不交其廣袖自以為禮法乎吾始三
言汝無一可得而能者自謂信臣信臣因如是乎是可斬
也左右所索劍欲刺之公大驚而起躍出後牖疾走歸明
日復往已空空而去矣

或曰此皇明遺民也崇禎甲申後多來居生者或者其久
則亦未必其姓許也古傳趙判書啟遠為苒苒者監司
巡到青松路左有二僧相枕而卧前騎至呵之不避鞭

之不起众梓曳之莫能動趙公停轎問僧何居二僧起
吐舌偃蹇睨良久曰汝以虛聲趨勢得方伯乃復示
耶趙視僧一赤面而圓一黑面而長諺殊不凡乃下轎
欲與語僧曰屏徒去隨尔來趙行數里喘息汗流不
止顧小憇僧罵曰汝年居众中常大言身被堅執
銳當先鋒為大明收讎雪恥今行數里一步十喘
五步三憇尚能馳遠剿之野乎至一巖下因樹為屋
積薪而宿處其上趙渴求水僧曰此有入又當錢也
出黃精餅以饋之屑松葉和礮水以進趙頓蹙不能
僧復罵曰遠野水遠渴當飲馬渡兩僧相持痛哭

曰孫老爺孫老爺問趙曰吳三桂起兵滇中江浙騷然
汝知之乎曰未之聞也兩僧歎曰身為方伯天下有如
此大事而不聞不知徒大言得官耳趙問僧是何人曰不
必問世間亦應有知我者汝且少坐待我我當與吾師
俱來與汝有言兩僧俱起入深山少頃日沒僧久不返
趙待僧至夜深中動風鳴有虎鬥聲趙公大恐幾絕已
而公明燎炬尋監司而至趙狼狽出谷中久之居常
悵恨于中也後趙問于尤庵宋先生先生曰此是明
末總兵官也常斥我以爾汝者何先生曰自明其非
東國緇徒也積薪者卧薪之義也哭必呼孫老爺

何先生曰似是太學士孫承宗也承宗嘗眎師山
海關兩僧似是孫之麾下士也

夢玉曰敢問太古之世亦有道季之可說歟緒曰造書契以前無可批之明蹟然道之大原出于天斯有天便有道故伏羲得之而畫八卦炎帝得之而首農政黃帝得之而懋實德少昊得之而諧神人顓頊所以平亂德帝嚳所以治執中堯以之格于上下舜以之升聞玄德禹以之詳教四海書曰人心惟危道心惟微惟精惟一允執厥中此三聖人相傳之心法也傳之湯而聖敬日跲傳之文王而丕顯厥謨傳之武王而丕承其烈由武王以上而為君故

其道行位天地而有萬物撫銅渾而調玉煇不言而四時
信無為而萬品化育箕子得之叙洪範周公得之而制周
禮孔子得之而作春秋孟子得之著七篇及周之秉聖道
寢微駸々然入於長夜欲以誘之利以導之也有談天者
也有雕龍者堅白而同異者微中而解紛者或縱橫之或
火燒之或干戈之漢有仲舒而說之不博唐有韓愈而論
之不精千有餘年斯文之正脉絕乎墜地然而道無終否之
理故香猿膺命奎運圓恭程子出焉而尋墜緒朱子出焉
而倡絕學箕子而下々而為臣故其說長匹夫而為百世
師一言為天下法衮鉞於三綱笙簧於五典閔石和句託

王章於空言禮樂刑政立聖制於虛位噫窮天地亘萬古
而君之臣之父之子之夫之婦之免於禽獸之域者伊誰
之力也微聖人吾其被髮左衽乎敢問高明於是非之論
應有隳括者矣異端之所以異於聖道何也夢玉對曰天
道恢々豈不大哉死生有限治亂多門故不能無言於有
限之物亦不能無歧於多門之事執拗自高之徒橫議於
聖人繫程之外背馳仁義之說立異道義之論陰壞聖道
別開邪徑使天下愚蒙奴主於彼此之間故老氏尚玄子
賈於仁義希夷於聞見挫銳解紛和光同塵倡為窮狗索
鑰之說谷神玄牝之論今其言曰絕聖棄智民利百倍絕

仁棄義民復孝慈絕巧棄利盜賊無有所謂道德經五千
餘言者即其書也莊氏負憤蝸角於乾坤鼠肝於人物毫
恭同體勤殤齊壽倡為巨盜揭篋之說力士負舟之喻語
脉機鋒如禪家頓宗而未嘗不跌宕未嘗不戲劇然而陳
同甫曰天下不可無此人亦不可無此書郭子玄曰此書
不經而為百家之冠夸矯抗雖若侮孔氏誚諸子而其
案陽擠而陰護者也所謂南華經四十八篇即其書也列
子好誕騁馭風之智辨蕉鹿之訟老成子學幻之說公輸
子刻鳳之譬巧湊於存亡之機愚弄於賢愚之際今其言
曰凡盈天地間者初無定位初無宗跡綿々若存用之不

動故自生自化自消自息此皆老莊之餘術而尤為吊詭者也佛氏寂滅空生於大覺之中心歸於至靜之地故曰大道不難惟憚揀擇又曰是法平等無有高下以慈悲為心而普濟衆生以因果為法而栖心淨土故其詩曰兩箇泥牛聞八海直向如今無消息又曰忽聞上方鐘鼓動又添一日在浮生此其禪悟至妙之境也故伊川曰佛書如淫聲美色易以惑人所謂大藏經五百四十函此其書也楊氏之毛過於為我而有無君之失墨氏之頑過於兼愛而有無父之失故同室有聞而不知纓冠鄉邻有聞而不知閉戶者也告子之仁內義外誤見於括捲湍水之理楊子之

混善混惡狂入性有三品之說申韓託黃帝而初說刑名
宋富壞墻之喻楚賈賣珠之論莫非刻於規利壞於治仁
故其言曰日中及焚操刀及割所謂說難孤憤等編即其
書也陳許假神農而傳會虛偽賢君饕餮之治市價不貳
之法莫非務小惠而妨大德昵私情而昧大理故其法合
精粗而平價比居民而并耕者也陳孝之義利復行陸孝
之文質相蒙莫非別立門戶自成一家之則也豈若吾道
正：方：蕩：平：大小精粗無不合理底大頭腦也敢
問九經各自有八門一款大宗旨大經領亦可一：歷陳
耶陳生曰大孝是為學綱領不先乎太孝無以提挈綱領

而不論孟之精微不叅之論孟無以融會貫通極中庸之
歸趣大抵致知乃夢與覺之閑誠意乃善與惡之閑也論
語之言無所不包其所以示人者莫非操存涵養之要體
驗充廣之功添一字不得減一字不得也孟子之書明白
親切無甚可疑而段々痛切句句的確有必然之效也中
庸之書溫潤嚴明如美玉而其樞紐不越乎誠之一字讀
中庸者毋歧于高毋駭于奇必沉潛乎句讀文義之間以
會其歸必戒謹乎不覩不聞之中以踐其宗也詩之為經
人事洽於下天道備於上而無一理之不具故卒之二南
以求其端叅之列國以尽其變正之於雅以大其規和之

於頌以妥其止言善者可以感芥人之善心言惡者可以懲創人之逸志也尚書直須見得二帝三王之心欽之一字書中開卷第一義也學禮先看儀禮二載其事禮記明其理大抵禮儀三百便是禮儀中士冠禮諸侯冠禮之類大節有三百條威儀三千如始加再加三加坐如尸立如齋之類小節有^也三千條周禮一書廣大精密周家之法度備焉易之為書文學之祖義理之宗伏羲畫卦止有奇耦之画何嘗有許多說話文王作錄辭周公作文辭亦是為卜筮說孔子方說從義理去凡太極兩儀四象八卦此乃易與子之綱領開卷第一義也所謂太極者象數未形而其理已具之補形

器已具而其理無朕之目無為而為有為之主無形而為有
形之主合而言之萬物體統一太極也分而言之萬物各具
一大極也稟造化之樞紐品彙之根抵也故曰無極而太極非
太極之外復有無極也以其無氣與形而天地萬物之理無不
在是故曰無極而太極也太極生兩儀、、生四象、、生八卦
、、生十六、、生三十二、、生六十四卦生、不已變
化無窮矣大抵聖經蘊奧處固不敢硬擔勇荷而僅於高明
當退一步低一頭耳竊聞孝射者先孝穀章論琴者先論
曲譜狎於文章豈無程式之可言歟夢玉對曰錢體成圓
屏體成方鉤形尚曲箸形尚直擅巧分門各成體格故郊

廟之詞莊以嚴戎兵之詞壯而肅朝會之詞大而離公謚
之詞樂而法樂府雄高而尚氣楚騷深永而尊志坡下之
歌出自流離煮豆之詩成於草草而並自奇工深情素志
激而成言此乃文章之權例也文之流曰書奏說策辯論解
錄傳序記跋也詩之流曰賦頌銘贊誄箴行吟題怨嘆篇
操引謠謳歌曲詞調也三言始於夏侯湛四言始於帝庸
作歌五言始於蘓李六言始於谷永七言始於栢梁九言
始於高貴鄉公四六起於王駱各分一本體有萬殊故詩
言志而綺靡賦陳事而瀏亮碑敘德而文質相半誄陳哀
而悽惋為主銘以示後故博約而溫潤箴以陳戒故頓挫

而清壯頌彬蔚而褒述功德論精微而評議得失奏體平徹
而閑雅說體偉犖而譎誑辨者辨其是非善於分析解者
解其疑感而貴於明白錄者所以條列事案傳者所以歷
敘名蹟贊以美其儀範序以宣其志意記實簡練而述其
覲覽跋奇古奇而評其著述策經論而貴激昂書信息而
致情曲其餘各體區分而類別者莫不有柯則而若夫詩
者百文之宗萬物之戶也故有雅合回文連除六甲嵩砧
雜組謎字卦名鍼穴將軍鳥獸草木之體有平頭上尾蜂
腰鶴膝大韻小韻旁紐正紐之病有正名同類連珠雙解
連綿雙擬扇格回文隔句響字之對詠造化則陰陽失其

枘衡詠山河則流峙失其標格詠物色則歲功失其運用
方其吟詠鼓舞之際情隱於未挾思泯於未抽怔怔
絳而未形翳々軋々感而未通收視反聽涵靈定情雷霆
震之而不惧魑魅促之而不驚及其情與物構形與神通拈
而成句屬而成章籠天地於形內挫萬物於筆端歛情於
死間而人不病其拘放情於六合而人不責其蕩壯哉文
恒之氣帥也豈可以淺見庸古容易說去哉耳夫書法屢
變其體不一周禮保氏有六書之灋一曰象形二曰指事
三曰諧聲四曰會意五曰轉注六曰假借也自蒼頡竭跡
書以降凡五變曰古文曰籀曰篆曰隸曰草散出為各種

體格曰鍾鼎篆蚪蚪篆拂書龍書垂露篆懸針篆鵠頭篆

鳳尾篆印篆垂篆等體不一其規而自小篆散而八分

九節篆垂雲篆等體不一其規而自小篆散而八分漢王次仲

所生八分破而隸書蔡程題出隸書流而行書作行書狂

而草書聖自隸以下益不足觀也歐陽詢八訣云、如高

峯墜石乙如長空新月一若千里之陣雲一如萬歲之枯

藤、如崩松倒折落掛絕壁、如萬鈞之弩發、如利劍

截斷之角、如一波常三過筆此書法之綱領也蓋字音

有七、一曰角牙音皆字扶二曰徵古音此字治字三曰商

齒音時字之類四曰羽唇音非字皮字五曰宮喉音異字



類之

六曰變徵半舌音

犁字之類

七曰變宮半猴音

而字之類也音有

清濁曰全清

江字東字之屬

曰次清

呼字仄字之類

曰全濁

豪字在字之屬

曰不

清不濁

王字明字之屬

此所以協音律而正雅樂者也

洋州知府重修望雲樓設大宴以落之樓在橫湖之上竹塢蓼嶼羅列在眼望月臺涵虛亭週遭相通園池凡三十餘所而此樓為最焉知府即令肩輿請夢玉、再三固辭不得已詣焉知府迎之上座與之周覽棟宇之制四阿軒敞八龍門疏朗沈檀博風對、垂飛鳳之翼編竹檻星、難又、開老虬之眼刻華藻於侏儒、樓梧相撐

飢者夢飽

終是朝鮮

人故夢所

徵文石於瓊璧燮爛成章知府衣四襪之衫唐中

揮扇香逍遙於其上有檐褕而昵侍者有股褶子司而

聽令者帟裙而跪者進酒之婢也勒帛而趨者奉

盤之奴也須臾衆賓序坐大托具進殽水陸之品極飛走

之味婁護五侯之鯖百和咸濟穎老骨董之羹五

味俱存驚髀握唇髦殘象白羅八珍於案上黃鮐丹鷄霜

鵲露鵲經九沸於鼎中海東之魚菜塞北之羊酪南蠻之

醢醢西域之蒟醬東西南北之美饌春之花饅夏之水團

秋之蜜餅冬之馳酥春夏秋冬之珍羞蟹足竊罕金鑑止

煎炙郭索之湯州豕腹膨脝銅鈹進蕩平之菜粒粒散染

見亦多朝

鮮物色

鴈紅之覓見古脣飲見古粘金粟之粒長而紅者謂之蓼花

短而窄者謂之水彩蜜果沙果中桂蓮根正果栢子朴散

等物形之色沙蒸合輕團椰子饅餡龍眼水茶各種奇

妙淇園之竹瀝衡陽之橘饒越裳之桂蠹朝鮮之竹

蛤非土產而何來錦色之梨赤莖之栗鷄頭之茨牛仍之

柿非時果而亦進熱膏之湯熾棗而方沸笠骨

之炙載母籬母而初熟至於酒品則頃刻而成者謂之遂

連支離而醉者謂之千日三重耐一宿釀謂酒家之新方

二經爵三雅盃儲陶人之妙制清濁俱進清曰醪而濁曰

醢厚薄兼全厚曰醢而薄曰醢荆南之烏程暖休而不

醉豫北之竹葉聲蓬々而入腦勁者謂齊物論椒兩蘖
唇和者謂養生主薇露灌頂西涼葡萄之味憶楊妃之潤
肺西河枸杞之方聞仙女之引年甜而辣者釀桂糖而為
酒烈而香者雜梨薑而成膏洞庭春雲安春以山水而得
桃花酒蓮葉酒以花卉而稱美箕都之紅露盞卽醺人
海關之白酥三椀不過啗紅消散碧英膏乃消息之良劑玉
藥茶蘭英酒亦鮮醒之妙方其餘鑊子_有邊饋餽之氣卓
倪_司上飮餽之饌不可殫述已而殫之之聲旣訖飲之之
容方作茗芋而欲眠者醅醕而亂醕者謔保不正者箕詬
無節者箇々摹景不得耳知府即命大張音樂兼進奇戲

做符句天

夢

諸物以為歸喜之具西行珠翠環階立一派笙歌下堂來
歌的是春踏之山有花將進酒子夜吳團弄得燕語鶯聲
舞的是醉回之活觀音柳青娘鮑老兒句引得蜂狂蝶亂
也有坎之擊缶者也有擊之伐鼓者琴韻清切宛是臨水
瀉灘之調笙音寥唳端的統花出洞之聲太平簫三難之
曲為君難為臣難九里簫回心之曲一聲高一聲低伽倻
琴步虛之詞仙女傳腔唐琵琶婦鴈之操羈人斷腸奚琴
細篳之節拍橫笛牙箏之間奏莫不虞變調律晉曠理音
已而雜戲繼進代鼓而舞者四抱齊動之也掉船而歌者
萬頃滄波去也回瘦龍戲珠統畫扇而蹲之獨鶴朝天抱

花灯而翮：青桶帽矮矰樂工誦悔懺也將脚踏激戲襖
腴胖優人按格範只把頭搖角抵川相撲之戲鳶鳶脚王
環步齊聲唱采撞竿효이倒掛之技蜘蛛足水蟹步莫不
絕倒黑漆幞頭傀儡子글箇：面是背非綠藍裙子優婆
塞이這：雲情水性列立而踢毬이者飛兩脚誓不落也
分隊而拔河돌달히기者奮雙腕誓不讓人巧於藏鉤공者
執玉鞭而鉤在若箇善為精枚이者握銀子而枚數幾
何輕身而棲隱者迷藏고백之兜也尖口而辯慧者誣謎
時수지之童也고詭者牙子而危行擊손者又心而旁
擊也有投壺貫耳橫矢之節也有圍碁獲閑排抄之法象

上標文

棋^下之車馳馬奔陸博^陸之呼五噉白^飛骰子^骨之拈兩
白鷗^飛踈兩籤兒^手之投二水中分白鷗洲其餘山棚水嬉
坐部立部詭異之觀浮靡之音不可勝記知府曰今日不
可無大雅之佳作以賁華扁大雅請留六佛之製夢玉沉
吟一盞茶時即援筆而寫進曰

迷夫龍伯遷都奠水國於軫野工倕運智翼仙構於禹
維晶盤湧螺一尺嶼浮來何處彩霧噓蜃百層樓起於
空中蘓仙訖雪堂之功滕子增岳樓之制仍舊以葺其
新孔嘉太守桂藉芳名荀班雅望子賤三月之化乳翟
舍徽士元百里之才威鳳栖棘金章動色遙映祝融之

遺墟玉佩揚聲下臨銀潢之左界北四節物色盡八品
題民稱風流太守三十所池園都歸管領自謂江山主
人鴻儒碩士與共遊芝蘭之室遷客霸人多會此榕橘
其鄉治化則百里同俗千里同風遊賞則五步一樓十
步一閣蓋聞滕閣鎮南昌之府桂殿蘭宮君山壓洞庭
之湖銀臺金闕既有湖山遊覽之所則詎無樓台壯麗
之飾乎顧茲土好事者絕無惟此樓營構也已久踈椽
敗壁閱百劫之星霜繡戶紋窓飽三江之風雨丹青剝
落老可盡筠之壁無徵庭宇荒涼芝師玩月之簾安在
不有易棖之新制何安獵勝之衆賓於是名匠鄧襄寫

材荆蜀斫瓊樹而成樛輪般揮鑿壞鉄山而鑄釘昆吾
鎔爐綺綴流星超黃埃而煒燁璇題燭日抆青天而穹
崇文翬斯飛斗拱宿五湖之霧尺蠖成轡翼廂納七澤
之風文士所以會同過客所以來憇璇霄引弄玉之簫
仙禽在棟花辰奉青蓮之硯玉女憑欄訪風景於崇
阿鸞花富貴極娛遊於暇日泉石膏肓爰設濟勝之
需俾盡飾喜之具瓊厨炊玉餽浙東之長腰金盤堆銀
膾搓頭之縮頸斑璘輸五雲之鼎盛姬傳餐玉龍馱九
霞之樽麻姑送酒神摯理曲琴削龍門之綠桐潘岳調
腔笙剡汶陽之碧篠搗之瓊林之賁額遂忝玄卿之

勒銘蛇神銜技於玉樓既承優許鸞牋猥及於草舍敢
竭鄙誠一言恭疏六律齊唱

阿郎偉拋標東曉聲敲日聽隆、紅光直破湖心出未
信鳥輪自海中 阿郎偉拋標南匡廬一髮翠如藍青

山偃蹇如高士夢裡應尋惠遠菴 阿郎偉拋標西碧

桃花落海風低延聞金母頭成雪多事周王八馬蹄

阿郎偉拋標北夜蹠湖光禮斗極欲要上元陳素誠神

光離合固難測 阿郎偉拋標上閭闔晴開袂蕩、莫

是青童追赤松空中忽聞步虛響 阿郎偉拋標下九

烟青幕齊州野三公不揆此江山薄暮西岩見漁者

伏願上標之後人并二難地具四美壺中日月鎮長春
於酒人鏡裡山川遠作主於文士筆硯供江湖之月白
鳩點破碧琉璃几案生吳楚之烟赤烏擁出紅瑪瑙垂
百代名豳不朽閱千秋樓顏如新

左海之壖有小中華焉極其花

花無窮

鯨鯢其魚

毗析木其

分

也東至大瀛南至耽羅西至沮江鴈業至西脩羅名山

曰金剛摩尼漢挈中國所謂三神山靈異之事神熊

降檀而桓因

帝誕化

檀君

靈鵲隨櫝而慈充

巫也新羅南鮮王之

楠錫姓滿石僧也而坐化為佛綠竹女也而幻生於鹿

女薈薇之願薦香惟是耶非耶薛聰之言金庚信之授訣石

窟人也鬼也

新羅時

黃生夢為開闢之主

出芝峯類說

愚僧多

入石竇之國

出箕野瑣錄

書之大小長短之體方圓邪正之象一大曰天乾之體二

小曰示地之神東字長日初出而朝景最長西字短日

將沒而日景最短口字四畫而方取義於四極之方正

心字五畫而圓取義於五行之圓滿朋字邪小人朋比

而終歸於邪黨字正君子黨錮而終歸於正

天圓三百六十五度二百三十五分地廣二億三萬三千

五百里七十五步

物之至大至小鳥之至大天池之鵬至小東海之鷦鷯魚
之至大也溟之鯢至小南瀨之蝦寄於石髮人之至大
汪罔氏之長三十尺至小焦僥氏之長三尺言之至大
文康之轉天輪而測三光至小宋玉之膾虱肝而飽九
族

棲於蚊睫此四字當在於鷦鷯之下

人之骨節三百六十毛孔四萬八千耳目鼻耦孔而象坤
口臍肚奇孔而象乾鼻口之間謂之人中居奇耦之間
象數之不齊人順生草木倒生禽獸橫生胎生者九竅卵
生者八竅胎生者眼胞自上而瞑卵生者眼胞自下而
瞑濕生者眼無胞而不寐化生者眼無竅而有光草木

之有根活者胎生類以實生者卵生類菱芡濕生者也
芝菌化生者也有雌無雄魚鰈也有雄無雌蜂蠆也龜
耳息牛鼻聽龍蜃飛而無翼鵝鴨翼而不飛陽鳥之飛
頭伸而足縮陰鳥之飛頭縮而足伸馬之卧起自前足
牛之卧起自後足鹿豕直行蛇蚓曲行郭索橫行變鍾
却行率然頭行蠖屈伸行食而不飲者蚕也蚕之壽五
十日而果飲而不食者蜩也蜩之壽三十日而化不飲
不食者蜉蝣也蜉蝣之壽朝生暮死夔一足狸兩足馬
足蜘蛛六足螯蟬八足蜘蛛四十足蛇百足帶無足無
者不資於有少者不資於多

馬字下當有四字

氣化之不同西崗之鵲感風而孕鬴竹之鷗感星而孕嘉
之剪感風水而孕扶桑之搖光感日而孕此皆不情而
感不交而生者也婆羅樹則中空廣膝竹則中實玉必
沈水而賁浮玉於西羌羽必浮水而琛沒羽於焦僥沈
香水投積水則沈中冷泉盛錫冤則洩金不能切玉而
昆吾刀可以切玉蕭山火至涼也而可以供爨雀化為
蛤羽而甲也蛇化為龜蟄而介也雉化為蜃羽而鱗也
田鼠化為鴛毛而羽也朽麥化為蝴蝶無情而有情也
山蚯化為百合有情而無情也

陵此字當在嘉字下

一物之一善蜂蟻之忠庖狼之孝睢鳩之別雉善聽狼善

視狐善疑猶善豫駘馳善知泉象善知地之虛實蜨善
九螽善織蟻善知雨鳬善知風蜘蛛善經綸



